


天文管窺輯要

卷之三



漢書門				
九	九	七	二	二
十	十	二	函	類
二	冊	架	冊	架

內閣文庫	
漢	九六二
二	二
二	函
二	架

內閣文庫	
番號	漢 9629
冊數	24 (5)
函號	305 261



續編輯要卷之十一



大安黃 鼎玉耳父纂定

淺草文庫

男九命簡臣

侄九錫公位


九疇倫叙

九如眉介

侄孫珮琢成

珂先鳴

桐城方兆及子詒全閱




宮殿碑集

卷之十一

一

月體



宋志日月者太陰之精女主之象其體主夜為陰
為后為臣為妻妾為水京房易傳曰天下和上下
昌則月大而有光

天文總論曰月始生而見東方者天下交兵始生
見南方者米大貴在其月始生出而上大者上旬
米貴始生出而下大者下旬米貴

朔見東方

京房易傳曰朔而月見東方謂之仄隱仄隱則侯
王其肅劉向以為仄者不進之意君肅急則臣恐

懼故日行疾月行遲不敢迫近君也侯王縮胸不任事故月行遲

晦見西方

朱文公曰晦而月見於兌臣下驕

宋志曰晦而月在西方是在日前爲太疾曰兆人君舒緩臣下驕盈專權之象

月行九道中道

朱文公曰月行陰道則陰雨行陽道則旱風行於中道者天下安寧

宋志曰明王在位則月行依九道月上下皆明景祐占曰天之三門猶房之四表中央曰天街天之中道中門也月順軌道由天街則天下和平月進退不常

朱文公曰進退無常臣后專政

宋志曰臣及女后外戚專權則月多失道遲疾不常故日月變人主常賜赦寬恤刑獄可解也

正月偃形

朱文公曰國有喜慶正月偃形 朱志京房說同

月變色

宋志曰月色青爲憂爲饑黃爲有喜爲德若小人用事則月變色失行

朱文公曰朝無忠臣月變色又曰月色赤爲旱爲亂黑主水而爲病黃潤爲德爲榮白爲喪爲兵又曰月赤如赭兮大將死於野

符應圖曰君乘木德而王天下其政頌平則月色青而明君乘火德而王天下其政頌平則月色赤而明君乘水德而王天下其政頌平則月色黑而

明君乘土德而王天下其政頌平則月色黃而明君乘金德而王天下其政頌平則月色白而明

晉書曰月變色失行主陰國強中國弱

景祐占曰正刑罰誅姦猾進賢良決稽疑則月變色不爲傷也

月望前後東西缺

朱文公曰月望前西缺望後東缺名曰反月臣不奉法侵奪主勢兵起其衝

月未當望而望當望而不望

朱文公曰未當望而望則有更令攻人地者大吉
當望而不望則爲不昌攻他人地者爲殃

河圖帝覽嬉曰未當望而望者是謂促兵攻他人
地者大昌

宋志曰當望而不望人主不昌攻城不克

易蒙氣福曰當滿而不滿者君侵臣則有火旱之
災

月未當缺而缺當毀而不毀

朱文公曰未當缺而缺臣后退黜當毀不毀兵水

波揚 宋志說同

李淳風曰未當缺而缺女主憂大臣黜

荆州占曰當盡而不盡者其分國亡

月大盈大縮

朱文公曰大盈則人君憂戚大縮則臣下不祥

月當出不出當晦不晦

宋志曰當出不出有陰謀其下國亂

朱文公曰當晦不晦失地惶惶

李淳風曰月未當上弦而上弦者其下國有兵未

當下弦而下弦者其下國有姦臣

月初出盛明

朱文公曰月初出光色盛明女后專權 宋志占同

月當望不見蟾蜍

朱文公曰當望不見蟾蜍大水城陷流亡

宋志曰民流宮中不安

月望無光

朱文公曰月望無光則下有死亡臣不忠教令廢

亂

宋志曰君不明臣不忠則無光

月晝明

朱文公曰月晝明則奸臣專政中國兵飢陰國兵

強

月墜

朱文公曰月自天墜今大臣亡國有憂 宋志占同

京房曰月墜於地有道之臣亡

月角有星

朱文公曰月角各有一星有軍在外國賊且至

月見日中

朱文公曰月見日中其下失土


宋志同

管子地員篇... 月見日中... 朱文公曰月見日中其下失土... 宋志同... 管子地員篇... 月見日中... 朱文公曰月見日中其下失土... 宋志同...

月有黃芒戴氣



月旁生齒



次星入月



月毀數段



月旁雲如禽獸



月底垂芒



兩月並見



月分兩段



管子地員篇... 月有黃芒戴氣... 月旁生齒... 次星入月... 月毀數段... 月旁雲如禽獸... 月底垂芒... 兩月並見... 月分兩段...

宋志曰君道福昌后妃有喜則月有黃芒或戴氣
荊州占日月有戴氣不出百日人君有喜

朱文公曰臣下相殘月旁生齒○宋志日月生齒
則下有叛臣生足則后族專政

朱文公曰大星入月中野有兵喪○宋志曰兵喪
地亡○京房曰天下有賊星多賊多故曰行有變
人主當賜赦寬恤刑獄也

朱文公曰月毀爲數段天下分張宋志日月毀二
段將相有謀三段四段者天下分張

宋志日月始出有雲如禽獸名曰篡婁所見之日
德王之方受其害餘倣此朱文公曰所向之方有
害

朱文公曰國家昏亂月底垂芒

朱文公曰兩月並見君弱陰盛而乘陽○宋志曰
兩月並見其下兵起國亂地陷水湧如三月四月
以至數月並見其下異姓大臣爭爲破亡天文總
論曰兵起國亡○京房曰易稱婦貞厲月幾望君
子征凶言君弱而婦秉政

朱文公曰黑氣如鳴雞飛鳥羣羊羣豕環月不雨則匈奴兵起

開元占同

朱文公曰有雲氣來刺月黑為雨赤為戰黃為女后有憂白為喪宋志曰黑色則為雨踰時也赤為敵軍相攻青雲刺之則為賊害君長五穀不熟高宗占曰赤雲刺月是謂仇賊白雲刺月其下軍亡

月下氣人相隨

月中氣如人行

杵雲抵月




人雲傍月



雲貫月

氣背而缺

三珥忽見



月生兩珥

宋志曰月下氣如人相隨是謂惡城其分侯王當

之同 荆州 ○朱文公曰月中氣如人行相爭客勝宋志

同 又曰其旁有白雲如杵抵月將死軍亡河圖宋志同

朱文公曰有雲如人或若人頭在月旁赤戰白兵

黑雨 ○又曰雲有一白三蒼二黑貫月則圍邑城

降宋志同

朱文公曰氣背而玦國有反臣宋志曰不暈而玦

臣下弛縱將欲自殘備左右吉

朱文公曰珥占其色青憂赤兵黃喜白喪黑凶兩

珥無虹為風為雨白虹貫之為戰為兵昏時而珥

國有半憂夜半而珥邊地有大驚 ○宋志曰不暈

而珥人主兵在外有喜又主國凶十日內有雨也


河圖帝覽嬉日月生兩珥其下國喜軍在外勝

朱文公曰月有三珥忽見國喜至宋志同

月生四珥


月有四缺

月有四提



日月俱暈

日月俱暈



宋志曰月生四珥女后憂否則人主立侯王又曰
國安君有喜高宗占曰其下國安康

朱文公曰月有四缺俱出臣謀不成宋志曰不暈
而有四缺主臣下有謀不成

朱文公曰月生四提天子無后宋志曰其下憂

朱文公曰月珥而戴主有喜慶宋志曰不出百日
主有喜慶


朱文公曰暈日暈月戰謀不決而戰兵不合開元
占曰日月俱暈戰兵不合謂晝則日有暈夜則月

河圖帝覽嬉曰月暈再重大風有兵四重有亡國
死王朱文公曰大風將至月暈重圓暈三重有失
地受兵之嘆四重有死王亡國之懋五重則爲女
后之憂六重則政教之失七重當易主九重有失
地受兵之歎十重乃更元○宋志日月暈再重大
風起若有背氣在外者私於外背氣在內者私於
內也三重天下受兵若有赤雲貫之其下亡地六
重其分失政七重其下凶當易主八重亡國死王
九重者其下兵起流血亡地十重者有大變一曰

天下更主

乙巳占曰月半暈向東者風敗五穀半暈向北者
爲水半暈向南者旱風半暈向西者風雨害穀
朱文公日月暈受衝國不安無風雨臣下專權若
天下偃兵終歲無暈又曰暈色黃將軍益祿暈有
光主帥來降宋志日月暈者臣下專權之象受冲
之國不安或七日內有風雨卽解如終歲無暈天
下偃兵鄰國求和又曰軍在外黃暈臨軍上戰必
勝乙巳占日月暈圓受冲之國不安

且抱且背



四雲抵月




背霓度暈

朱文公曰且抱且背有欲為是而有欲為非開元
占日月傍氣且抱且背為不和之象

朱文公曰三四雲抵月以戰勿當宋志曰暈而日
若四若三貫抵月以戰勿當而必破

朱文公曰虹霓背缺度暈中兵喪之象宋志曰月
暈而無精光虹霓背缺度暈中是謂大盪其下兵
喪○石申曰暈氣赤月無精光主喪兵起王者宜
以赦除之○隋書曰月暈有霓雲乘之以戰從所
往者大勝



朱文公曰月有背缺而暈不合謀叛自敗宋志曰
 暈不合外有背缺者有謀不成高宗占曰月暈不
 合者外有謀不成

朱文公曰雲來貫暈左右吏死○宋志曰暈而有
 雲橫貫之先起兵者勝

朱文公曰有暈氣而虹指月將殺軍傷 宋志同 ○
 隋書曰月暈虹霓直至暈至月者破軍殺將


朱文公曰月暈而白氣從外入拔城得將暈而白
 氣從中出圍城自殲宋志曰白氣自外入外勝自

朱文公曰白雲貫月臣亂於主宋志曰人有陰謀
白虹貫月大兵將起軍戰於野晉志曰雲貫月其
下有廢主王者惡之

朱文公曰暈有背氣所臨者敗

宋志同


朱文公曰后有陰謀暈連環白虹于暈下遭兵革
暈交貫而色赤有光又曰二暈相連而如環兩國
交兵而爭地○宋志曰交暈赤色不出三年有兵
又曰月暈而連如環珥爲兩軍必勝兵起爭地五
色猶甚高宗占日月有交暈赤色其國不出一年
有兵起乙巳畧例日月暈如連環天下不安后妃
有陰謀



朱文公曰月暈而珥時歲平康朱志曰有軍月暈而珥從珥攻之利無軍月暈而珥期六十日兵起五穀豐登歲序平康

朱文公曰月暈連環及斗天下兵火而大亂拔城開元占曰月暈連環及北斗天下大亂國喪民流千里下則有拔城反城一曰天下兵火大起

朱文公曰重暈於斗魁大臣下獄而流移千里開元占曰月暈連環重暈北斗天下大亂國喪民流千里魁前第一星二星大臣下獄



朱文公曰月暈歲星則主病糴貴暈熒惑則大旱
 后憂暈太白則其野受兵暈辰星則其下多水暈
 鎮星則兵起於所在之鄉暈客星則憂及於所臨
 之國○宋志曰月暈熒惑女主憂兵在野無兵大
 旱兵起之兆也暈歲星其下主病糴貴若與月合
 在氏而暈期四旬有德令暈太白兵戰不勝星入
 暈中星色不明而有角客勝暈辰星有水春夏民
 病寒熱秋兵起冬主憂春大旱在下主兵起秋大
 水冬有喪月暈五星若春木夏火秋金冬水四季

土五皆其下兵亂五星相近或聚一舍暈盡及之
其下兵惡暈鎮星所在之分兵起不勝相死則亡
地又曰后有憂○荊州占曰暈客星所臨宿之國
有憂又曰星在月北亡國勝他地方亦如之
朱文公曰流星冲月大臣凶奔星入月則君失地
宋志曰流星冲月大臣凶若冲而透過爲貫月爲
災尤甚亦爲太子有咎又曰流星入月女主有疾
有削土星大主爲兵爲喪奔星入月其下有謀一
云若無光則將戮

朱文公曰彗貫月則臣謀君彗入月則兵火起宋
志曰彗星入月中期十二年大飢若食之貫之爲
臣叛荊州占曰彗星入月而月無光有亡國星入
月亡國復其主彗星在月上起兵將起四夷來侵
朱文公曰流星入暈則大使來流星出暈則貴人
去宋志曰月暈而流星出暈中其分貴人出又曰
國有憂色赤拔城黃益地白年熟黑則敗軍入暈
中有大使入

月備而暈



月暈五星而備




月備而開



月備等
李星入



月備有
氣出入



月犯
五星



朱文公曰月食而暈其國君凶右申日月食而特其國君王惡之

朱文公曰暈歲星而觸天下大戰暈鎮星而觸天下兵興暈金水而觸大水兵喪暈熒惑而觸敗軍亡地宋志日月觸而暈及歲星者天下大戰月觸而暈及土星乃土功興也暈金則為兵強暈水則為死喪若月觸而暈及太白者為兵寇大將有二心合辰星而暈及者有死喪暈火星而觸則其下破軍亡地無兵則兵起

朱文公曰月食終亦爲災陰若退避則不至相敵而觸故曰日食修德月食修刑若月觸而鬪有軍必戰宋志曰月觸而鬪有軍必戰隨所食者戰利食而妖月出鬪人飢相食主凶
朱文公曰月觸而氣入暈者不宜爲主觸而氣出暈者不利攻城宋志曰觸而有氣出入從外入主憂從中外客憂如氣從南行南憂餘三方亦如之
朱文公曰月觸而有彗孛星來入當有哭泣之聲
宋志曰觸而有彗星入其下有喪

月犯五星占

朱文公曰將有災青月犯五星犯歲星則飢荒而流落犯火星則貴人出而有兵犯土星主后宮災下欲犯上犯金星強侯作讐犯水星爲兵起而上卿亡

宋志曰人君將有災青則月與五星相犯犯歲星其分飢而民流移亦爲邊兵犯熒惑以戰小吏死又曰貴人出有兵一曰戰勝之國大將死犯土星其宿國下犯上又曰臣民有叛者亦曰其國貴人

兵死天下亂有大風有亡土有大喪犯太白彗彗
作讐國兵戰不勝天下靡散犯辰星兵起上卿亡
或廷尉憂一曰天下有大水

月犯五星相食占

宋文公曰月食歲星乃將相侯王之戮死歲星食
月爲君長女后之憂徵多盜賊刑獄極繁月凌歲
側有逐相人臣賊主歲入月中又曰月與歲星相
乘相死而拔城

宋志曰月與歲星相凌犯而歲星入月中月掩歲
星不見爲月食歲星人臣敗主月凌犯於歲星
星入月中而見爲歲星食月辰下叛或有死又曰
有易主月凌歲星之側則多賊盜刑獄極繁歲星
入月中其分有逐相人臣賊主
朱文公曰月與火光相耀及其宿國亂兵將起犯
之則貴人出而有兵嚙之則其師破而敗北火食
月則讒臣貴而后宮憂月食火則其地亂而白衣
會憂在宮中非賊乃盜火順行而入焉人主惡之
讒臣用事者因逆行而入矣

宋志曰月與熒惑相近其分兵起又曰貴人死熒惑犯月而嚙之有軍敗而北熒惑入月中而見爲火食月謗臣進用后宮有憂熒惑入月中而不見爲月食火其分兵擾有白衣之事火星順行入月中者憂在宮中非賊乃盜也有亂臣國相死若爲兵死喪以戰不勝一曰臣叛其主也火星逆行而入月中謗臣用事也及相犯七寸之內者人主惡之

朱文公曰土入月中主有土功將有臣戮主月食土其國亡城以殺以伐土食月女主之凶也有喪有黜

宋志曰土星入月中而星不見月食土星女主死其國以殺以伐而亡國民流千里鎮星入月中而見土星食月女主凶不喪則黜

朱文公曰金星貫月國有大兵月食金強國君憂臣弑主其臣亦危金入月大人爲亂將軍死臣謀不成月戴金星國有猝卒之軍旅太白食月臣有篡弑之禍心

宋志曰太白貫月不出三年國有兵兵戰不勝亡地太白入月中而不見星名曰月食金強國君憂又曰強以戰則亦以臣弑主臣亦死強國以戰而亡太白入月中而有光見星名曰金入月必有內患戰不勝國失政大人爲亂將戮死亦爲刑理失中自毀其法也月在金下如頂戴爲月戴金星有猝卒一曰有卒兵金居月中而有光明見星名曰太白食月臣叛主亦曰臣弑主

朱文公曰水入日中有水形而臣叛主水食於月大水洪流月食於辰女憂國亡

宋志曰水星入月中有水刑事一曰臣欲謀主一星入月中而有形爲水食月天下民大憂辰星入月中而不見星名曰月食水其分有憂一云以女亂國亡其分水飢一曰其國女戰又曰無兵而食所當之國兵起戰不勝

月蝕總論

月蝕者乃日氣太盛於九道交行之處掩其月光故曰君子用智月蝕青色米貴赤色大旱白色兵

喪黑色水災黃色侯王謀主

月蝕太盡

后災相危
將凶米貴

月蝕不盡

破軍殺將

月從上蝕

君失其道
國家災危

月從下蝕

君令不信
相臣災難

月從旁蝕

刑罰不當
將相無德

月蝕尚明

兵起血戰
將有奇謀

月蝕彗芒射入

將相災凶有兵從
射方擊之大捷

月蝕襍氣射入

兵亂將凶
急防冲襲

四八十月月蝕

獄多冤枉
將相無人

月蝕肉中

刑罰濫及
兵起作亂

月蝕亢中

近侍之人
逆謀叛弑

月蝕氏中

内朝變亂
喋血禁門

月蝕房中

將相災凶
馬多傷死

月蝕心中

君王有難
太子災凶

月蝕尾中

后妃凶災
貴人被刑

月蝕箕中

内宮口舌
歲凶米貴

月蝕斗中

君后不協
大臣災

月蝕牛中

津梁塞牛
冬疫死

月蝕女中

賤凌貴人
女子多死

月蝕墳墓

宮殿崩毀
臣叛人死

月蝕室中

兵革起亂
土功妄興

月蝕壁中

奸邪得志
文臣災凶

月蝕奎中

兵革起
武庫空

月蝕婁中

郊祀不享
刑濫兵起

月蝕胃中

倉庫不實
兵民不利

月蝕昴畢

胡兵亂邊
刑罰妄及

月蝕觜參

兵革大典
人多飢饉

月蝕井中

火災臣危
庖宰太盛

月蝕鬼中

國有兵喪
諛邪相妬

月蝕柳中

庖宰太盛
殺傷和氣

月蝕星中

賊兵與亂
女后災凶

月蝕張中

宗廟被盜
魚行人路

月蝕翼中

俳優寵盛
女后背怨

月蝕軫中

夷兵作亂
擾犯邊土

月觸木星 天下飢荒 叛逆兵起

月觸火星 國將危凶 火旱典災

月觸金星 將有二心 為謀不成

月觸水星 水災人飢 兵革四起

月觸土星 社稷傾危 人流千里

月掩犯諸星

掩犯紫微垣 天子淫昏 廢后立寵 掩犯天市垣 奸邪陰謀 百物消耗

掩犯太微垣 女后擅權 相臣僭亂 入犯帝座 陰謀暗成 欲行弑奪

掩犯角宿 刑罰不中 兵起作亂 掩犯觜參宿 風起陰晦 魏分兵災

掩犯井宿 君災臣誅 秦火東南 掩犯井北 夷狄亂 井南 屬蠻亂

掩犯河南 旱災南 兵亂 掩犯河北 水災北 兵亂 掩犯鬼宿 秦漢兵亂 尸積馬貴

掩犯柳宿 庖宰太盛 周分兵災 掩犯星宿 圻內兵亂 王者改都

掩犯張宿 荆楚分兵 水為災 掩犯翼宿 三河荆楚 分兵災

掩犯軫宿 兵革起 王侯災 月戴金星 急兵 犯上

掩犯金宿 兵起血戰 人多流亡 掩犯木宿 國亂人災 歲飢人疫

掩犯水宿 兵水為災 大臣罷逐 掩犯火宿 邊亂兵災 國危君亡

掩犯土宿 王者失禮 歲飢兵亂

歷代日月考

春秋昭公七年四月甲辰朔日有食之晉侯問於士文伯曰誰將當日食對曰魯衛惡之衛大魯小

公曰何故對曰去衛地如魯地於是有災其衛君

乎魯將上卿是歲八月衛襄公卒十二月魯季孫

宿卒晉侯謂士文伯曰吾所問日食從矣如其可

常乎常可以此占之對曰不可六物不同歲時日月星辰也民心

不一事序不類官職不則同始異終胡可常也詩

曰或宴宴居息或盡顛事國其異終也如是

漢成帝建始元年八月戊午晨漏未盡三刻有兩

月相承晨見東方京房易傳曰婦貞厲月幾望君

子征凶言君弱而婦疆為陰所乘則月竝出晦而

月見西方謂之朏朔而月見東方謂之仄隱仄隱

則侯王其肅朏則侯王其舒

漢靈帝中平五年正月日色赤黃中有黑氣如飛

鵠數月乃銷

漢靈帝時日數出東方正赤如血無光高二丈餘

乃有景且入西方去地二丈亦如之占曰事天不

謹則日月赤是時月出入去地二三丈皆赤如血

者數矣哉

晉武帝太康元年正月己丑五色氣貫日自卯至

酉占曰君道失明丑爲牛牛主吳越是時孫皓淫
暴四月降

晉惠帝元康九年正月日中有若飛燕者數日乃
王隱以爲愍懷廢死之徵

晉懷帝永嘉二年二月癸卯白虹貫日青黃暈五
重占曰近臣爲亂或諸侯有反者後劉聰破京都
帝蒙塵於寇庭

永嘉五年三月日散光如血下流所照皆赤日中
有若飛燕者

晉愍帝建興二年正月有日如隕於地又有三日
相承出於西方而東行五年正月三日並照虹蜺
彌天日有重暈左右兩珥占曰三日並出不過三
旬諸侯爭爲帝日重暈天下有立王暈而珥天下
有立侯三月而江東改元爲建武劉聰李雄亦跨
曹劉疆宇三分天下

晉元帝太興元年十一月乙卯日夜出高三丈中
有赤青珥

有三足鳥形見分明五日乃止

晉安帝隆安五年三月甲子日生齒占曰天子有賊臣桓玄篡位之徵也

安帝義熙十三年春正月朔日食秦朝會前殿君臣相泣是歲秦亡

南宋文帝元嘉六年十一月朔日食星晝見秦地震一日三變大異也綱目特書之

南宋後廢帝元徽二年五月月犯右執法太白犯正將或勸劉劭解職劭曰吾執心行已無愧幽明災眚之來避何可免於是果於石頭戰敗死

南梁武帝太清元年春正月朔日食正旦不盡如鈞是侯景反叛梁國滅亡之兆也

太清二年春正月癸巳朔兩月相承如鈞見於西方

南梁簡文帝大寶元年正月丙寅月書見於東方北周宣帝大象元年二月癸未日出將入時其中並有烏色大如雞卵經四日乃滅

唐太宗貞觀初突厥有五日並照又有三月並見

唐高宗咸亨元年二月癸丑四方濛濛日有濁氣
色赤如赭

唐玄宗天寶三載正月庚戌月有紅氣如垂帶
唐代宗大曆二年七月丙寅日傍有青赤氣長四
丈餘三年正月丁巳日有黃冠青赤珥珥氣長而
立者爲直橫者爲格立於日上者爲冠直爲有自
立者格爲戰鬪又曰赤氣在日上君有佞臣黃爲
土功青赤爲憂

大曆十年九月戊申月暈熒惑畢昴參東及五車
暈中有黑氣乍合乍散十二月丙子日出東方上
有白氣十餘道如匹練貫五車及畢觜觿參東井
輿鬼柳軒轅中夜散去占曰女主凶白氣爲兵喪
五車主庫兵軒轅爲後宮其宿則晉及京師也
唐憲宗元和二年十月壬午日傍有黑氣如人形
跪手捧盤向日盤中氣如人頭

唐文宗太和二年十二月癸亥有黑稜與日如鬪
唐武宗會昌六年十月丁亥日出無光犯熒惑干
太微頃之乃稍有光遂犯左執法

唐僖宗乾符六年十一月丙辰朔有兩日並出而
鬪三日乃不見鬪者離而復合

僖宗廣明元年日暈如虹黃氣蔽日無光日不可
以二虹百殃之本也

唐昭宗天復二年十二月甲申夜月有三暈裡白
中赤外黃綠

唐哀宗天祐二年正月乙酉日有黃白暈暈上有
青赤背暈中生白虹漸東長百餘丈

天祐二年二月己巳日有黃白暈半環有蒼黑雲
夾日各長六尺餘既而雲變狀如人如馬乃消
占半暈者相有謀蒼黑侵祥也夾日者賊臣制君
之象變而如人者爲叛臣如馬者爲兵

五代周恭帝顯德七年正月癸卯日既出其下復
有一日相掩黑光摩盪者久之苗訓指謂楚昭輔
曰此天命也旋有陳橋之變

宋真宗景德元年十二月甲辰日有二影如三日
狀

真宗天僖四年四月乙酉西南方兩月重光

宋徽宗政和二年四月辛卯日中有黑子乍二年
三如粟大

宋高宗紹興二年二月丙子月未嘗闕而闕體如
食色黃白

宋瀛國公德祐元年六月庚子朔日食既天地晦
冥咫尺不辨人雞鶩歸棲自已至申其明始復

德祐二年二月丁酉朔日中有黑子如鵝卵相盪
金章宗太和三年十月戊戌日將暮赤如赭甲辰
申酉間天大赤夜將旦亦如之

金宣宗興定三年十一月癸丑白虹二夾月尋復
貫之

金哀宗正大四年十一月乙未未時日上有二白
虹貫之

正大八年三月庚戌酉正日忽白而失色乍明乍
暗左右有氣似日而無光與日相凌而日光四出
搖盪至沒

哀宗天興三年正月己酉日大赤無光京索之間
雨血十餘里是日蔡城陷金亡

元世祖至元二十九年正月甲午朔日有食之有物漸侵入日中不能既日體如金環然左右有珥上有抱氣

元順帝仍改至元三年正月丁巳日有交暈左右珥上有白虹貫之

順帝至正二十五年三月壬戌日有暈內赤外青白虹如連環貫之二十六年二月丁卯日有暈左珥上有背氣一道

管窺輯要卷之十一終

管窺輯要卷之十二

六安黃 鼎玉耳父纂定

男九命簡臣

九思視先

九成

桐城方兆及子詒全閱

五星常變差

五星晨夕見伏順逆疾遲皆以日度爲規日度因氣而有盈縮星行隨日而有增損故先考日纏盈

縮之差積斯得星行疾遲之定數伏見之期經緯之度可得其率矣古以五星悉皆順行至秦方有金火之逆漢三統創有小周大周以乘乾坤之策而爲各星歲數其說附會不經乾象制儀測候列晨夕疾遲留退積日平度諸段以爲常率北齊張子信始悟五星之行有入氣盈縮張胃玄因之用損益法列衰以求加減之差唐一行配以陰陽老少四象爻目以均進退自後或增減段目或損益度分分段失實入段行度惟用平行升降無准遂

至乖戾周王朴以星行舒亟有漸始校逐日行八積度究其損益之分皆由積微而至於多斯得其密蓋五緯之行不由黃道亦不由月道而出入黃道內外各自有其道凡順行最疾之時必與日合度木星最疾約四日行一度火星最疾約七日行五度土星最疾約七日行一度去日漸遠而行漸遲遲甚而留與日近一遠二也留久而退與日周天相半也木星初留約距日一百九度初退約距日一百三十一度火星初留約距日一百三十四

度初退約距日一百四十四度土星初留約距日九十四度初退約距日一百二十八度凡退行最疾之時必與日對冲初遲退漸疾退最疾而復遲退如初退止而留則皆距日如初退之度久久而順則皆距日如初留之度日近於後纏漸久而行漸疾却從晨遲以至於晨疾背近於晨見距日之度復與日同纏則伏而光不著矣此三星比日行度較少故合復以後日在前而晨見於東方且與日未對冲之先夜半後可望謂之晨段與日既

對冲之後夜半前可望謂之夕段金水二星則不然金星最疾約四日行五度有餘距日甚遠不過四十五度水星最疾約一日行一度有餘距日甚遠不過二十四度其距日既不甚遠則所行遲比日較少由是漸與日近金星距日三十度有餘而初留距日二十四度有餘而初退水星距日二十一度半而初留距日一十九度半而初退退行之際與日相近如夕見之度伏而不著與日相遠如夕見之度晨見於東退行最疾之時與日必同度

退止而留則距日如初退之度留久而順行則距日如初留之度遲行漸疾而漸近日距日如退伏之度與日同纏則又伏而不著矣此二星比日行度較多合伏以前則過日而前夕見於西方與日未退合之先昏後可望謂之夕段與日既退合之後晨前可望謂之晨段以金水形體大故伏見與日近水火土形體小故伏見於日遠其有入氣盈縮之變則當隨氣以推求其差而加減常縮則得其逐日之定度矣授時之法以截元用應文本實

測列各星段日段日平度及限度諸數以爲常率各以中積加合應去周率不盡爲前合覆減周率爲後合以段日累加中積卽諸段中積以平度累加中星經退卽減之爲諸段中星又以中積加曆應及所得後合滿曆率去之不滿以度率除之得平合入曆以諸段限度累加之卽諸段入曆視入曆在曆中已下爲盈曆已上減去曆中餘爲縮曆木土金水四星視盈縮曆在象限九十一度已下三一四三爲初限以上用減曆中餘爲末限火星盈曆視在

盈初縮末限

六十度八十七分六十二秒半

已下為初限以上用

減曆中餘為末限縮曆在縮初盈末限

一百二十一度七十

五分二十五秒

已下為初限已上用減曆中餘為末限其

求盈縮差用二法一仍損益法以求之列各星盈

縮曆策十二段每段為損益率及盈縮差積各置

盈縮曆以曆策除之不盡為策余挨及其所列盈

縮衰段下以其損益率乘之曆策之除所得益加

損減其下盈縮積即為所求盈縮差又立二差法

以求之列各星盈縮積差各六段各以本段曆策

減其段下盈縮積差度分為平差分平差分前後

相減為一差一差前後相減為二差置第一段平

差即為汎平差第一段一差係減第二段二差得

為汎平差置汎平積加汎平差得定平積即所謂

定差也以二除第一段二差得為立差置泛平差

減立差余為定平差以曆策除之為日定平差即

所謂平差也置立差以每段曆策再除之得數即

所謂日立差也是以求差之法置各星立差以初

末限乘之去加減半差

五星俱加內惟火星盈初縮末減

又以初

末限乘之去加減定差五

星俱減內惟火星縮初盈末負減

再以

初末限乘之滿億為度不滿退除為分秒即得所

求盈縮差置中積以盈縮差盈加縮減之得定積

日分置中星以盈縮差盈加縮減惟金星倍之水

星三之得定星度分其加減最多處木星七度火

星二十五度土星八度金星四度水星六度其逐

日細行各以其段日辰距後段日辰為日率以其

段夜半宿度減後段夜宿度為度率以日率除度

率為平行分以本段前後平行分相減為其段汎

差倍而退位為增減差以加減其段平行分為初

末日行分倍增減差為總差以日率減一除之為

日差以日差累損益其初日行分得每日星行度

分矣然其段日平度雖本於實測但其數有多寡

不齊若紊而無次張方齋效三差法以求之逐段

每日可得其度是星之進退亦各有漸次矣法以

各星周合平度分俱有疾遲及退三限每限各列

三段其段內日分相均而列以積數平行度須依

實測積度列之各有多寡不同以本段日分除本

段平行度分得本段每日平行度行因與各段每日平行度分有多寡之差故名平差分以各段平差分前後相較所得之數爲一差乃一段之平差積數也又以前後一差相較所得之數爲二差則得各段俱差之積數矣是二差或前多後少或前少後多其多寡不同故又以二除之折多補寡而得立差以二差減一差餘爲汎平積云平積者得本段之平差積也云汎者以其平差積猶汎而未切於而並各段之平差積俱相同矣以立差減汎平差積爲定平差又以段日除之得爲日平差是得每一日之平差又置立差以段日除之得爲每日平立差再以段日除之爲每日日立差其名立差者以一除爲平差再除爲立差也其法須係立差其用則扯長以從乎差而減定差矣其立定差之法以本限段日分除本限平度分卽得本限平差度分加入汎平積其得定爲差是爲三差法也凡求各段下平度分置立差以本段下段積日分乘之加平差又以段積日分乘之減定差又以段

積日分乘之得其段平行度是以其疾遲及退仍
爲疾遲退限以求之者若混其疾遲而均爲前後
限以求之或以退減順而返作順限以求之數皆
符合此雖不可以代測候亦可以驗測候之變常
也晨夕伏見相距之度始於玄胃皇極以後雖入
氣各有損益而其法無定至授時本於實測木星
距日一十三度火星距日一十九度土星距日一
十八度皆夕伏而晨見金星晨夕伏見距日一十
度半水星晨伏夕見距日一十六度夕伏晨見距
日一十九度置其星其段初日星行分減其段大
陽行分爲行差若金水退行在退合者以其段初
日星行分并其段初日太陽行分爲行差內水星
夕伏晨見者卽以其段初日太陽行分爲行差是
太陽與星所行相去之差也水火土以平合晨見
夕伏定積日便爲定合伏見汎積日金星置其段
星盈縮差水星則倍置之各以行差除之爲定汎
差日分在平合夕見晨伏者盈減縮加在退合夕
伏晨見者盈加縮減各以加減定積爲定合伏見

沘積日水火土各以平合行差除其段太陽盈縮積爲距合差日以太陽盈縮積減之爲距合差度以距合差日盈減縮加沘積爲定積日以距合差度盈減縮加沘積爲定星度金水順合退合者各以平合退合行差除其段太陽盈縮積爲距合差日順加退減太陽盈縮積爲距合差度順合者以距合差日盈加縮減其星定合沘積爲其星定合定積日分退合者以距合差日盈加縮減距合差度餘又盈加縮減其星退定合沘積爲其星退定合定積日分副之合爲退定合定積星度分以定積日加冬至日分紀法命之得日辰以定星度加冬至黃道宿度以宿次命之得宿度又逕以沘積求定積之法木火土置其定見定伏沘積日分晨加夕減象限九十一分爲二至後初末限日視在半歲周已下自相乘已上反減歲周余亦自相乘爲二至積分如七十五而以爲分滿百爲度爲二至差度以其星見伏度乘之爲伏見積度一十五除之所得爲定平差分如其段行差而一爲沘積

差日見加伏減汎積爲定伏定見定積日分金水
各以伏見日行差除其段初日太陽盈縮積爲日
分若夕見晨伏盈加縮減如晨見夕伏盈減縮加
以加減其星定見定伏汎積日分爲常積如在半
歲周已下爲冬至後已上去之餘爲夏至後各在
象限已下自相乘已上反減半歲周亦自相乘冬
至後晨夏至後夕一十八而一爲分冬至後夕夏
至後晨七十五而一爲分又以其星見伏度乘之
一十五除之所得滿行差除之爲日加減常積爲
定積在晨見夕伏者冬至後加夏至後減夕見晨
伏者冬至後減夏至後加也其日辰宿度如前加
而命之此術較前理數尤爲精密若夫步緯古所
未聞也余因哈麻之術入以求緯視其星入曆度
分及入合日分入五星黃道緯度立成內縱橫兩
取之得緯數置入曆度內以立成上段度分挨及
減之余爲入段度分以兩取緯度本行與後行相
減若遇交黃道者本行與後行相併爲法乘之以
本段曆度累加數除之爲分用加減兩取緯數爲

未定緯度又置入合分以立成上段度挨及減之
餘爲入日段分以兩取緯數本行與下行相減若
遇交黃道者本行與下行相併爲法乘之以本段
合日累加○數除之爲分用加減未定緯度黃遇
交黃道者所得分多如未定緯度分內減去未定
緯度分爲得所求在黃道南北緯度也視緯星經
宿經緯相同在一度以下者取之相減則得其上
下左右相併相離之分秒而可以考其凌犯之親
疎矣約其大周木星八十三年而周天與日合度
者七十六合期約三百九十九日火星七十九年
而四十二周天與日合度者五十七合期約七百
八十日土星五十九年而二周天與日合度者五
十七合期約三百七十八日金水與日常相近隨
日一年一周天金星八年而五合於日退合者又
五約五百八十四日而順逆兩合水星四十六年
之間合於日者一百四十五退合亦然約一百一
十六日而順逆兩合此其常也先視土木所在之
辰以考其七政之合局辯其主客論其休王亦可

以見氣運之更變矣

論五星經度

五星之行其遲疾也有本於星者有係於日者有由乎氣者如土木火度行遲金水星度行速此各星遲疾之殊本於其星之性情有緩急也及各行其道又視其去日之遠近而有遲疾之變差焉是以周率起於合伏近日則行疾遠日則行遲三合逢陽則留與日相衡則逆行順段度當加行逆段度當減遲疾一周加減適平復與日相合謂之周率及各入其曆又因夫入氣之淺深而有盈縮之加減焉是以曆率始於冬至入陽曆則度行盈入陰曆則度行縮盈差則當加縮差則當減盈縮一周加減適平復會於曆初謂之曆率然曆率之盈縮又所以加減其周率之遲疾也三法具而步星之法益密矣中曆步星以所求星度已前距元日行天度爲中積加所得中積已前各星與日相會之中積於首所謂合應分也是謂周率通積以周率去之余得入段中積日分又揆置入段平度分

爲中星積度此其周率而求其各星所至之平積
度也又以曆應加於中積以曆率去之余得入曆
盈縮度分求其盈縮差數而加減其平積度分是
爲定平積度分也惟金水二差則有三之倍之之
用矣西曆步星土木火三星各以自行度分減其
日中行度分余爲各星中心行度是以日度與星
度混推以日所行曆度過其各星度分卽爲各星
行曆度分也如土星以二十八日自行度二十六
度四分減太陽二十八日中行度二十七度三十
五分五十三秒余五十五分五十三秒卽爲土星
中心行度約二十八日行一度蓋二十八年一周
天也木星以十二日自行度十度五十分減太陽
十二日中行度十一度四十九分四十秒余五十
九分四十秒卽爲木星中心行度約十二日行一
度蓋十二年一周天也火星以二日自行度初度
五十五分減太陽二日中心行度一度五十八分
一十七秒余一度三分一十七秒卽爲火星中心
行度約二日行一度蓋二年一周天也金水二星

卽以太陽一日中行度五十九分零八秒爲一日
中心行度蓋太陽一歲一周天金水二星亦一歲
一周天也其謂中心行度卽中曆中心行度也內
減各星測定最高行度余爲小輪心度其減各星
最高行度卽授時用其各星曆應也余爲小輪心
度卽中曆所求入曆盈縮度分也視其小輪心宮
度以取第一加減差分西法入曆起於夏至故自
初宮至五宮爲減差自六宮至十一宮爲加差中
法入曆起於冬至故自曆初至於曆中爲盈差自
曆中至曆終爲縮差減差猶縮差加差猶盈差
中曆木星入曆盈縮至象限九十一度三十一分
零盈縮俱差至五度九十九分金星入曆盈縮至
象限盈縮差至二度一十三分水星入曆盈縮至
象限差至二度二十八分土星入曆盈縮至象限
盈差八度二十五分縮差六度二十八分惟火星
入盈曆 四號 六十〇度八七六二五入縮曆 八號
一百二十一度七五二五盈縮皆差極二十五度
六十二分俱至曆中則消其盈曆終則消其縮也

西法入曆小輪心度第一加減差木星至三宮初
度與九宮初度加減差至五度五分金星至三宮
初度與九宮初度差至二度一分水星至三宮初
度至九宮初度差至二度四十三分土星至三宮
五度與八宮二十八度皆差至六度一十九分火
星至三宮四度與八宮二十七度差至十一度二
十五分木金水三星俱至三九宮而爲極差與至
象限而盈縮極者同一道也惟土星火星之差則
各有不同焉大抵自初宮至五宮則減無所減自
六宮至十一宮則加無所加矣推得第一加減差
分以加減其小輪心度而爲小輪心定度是蓋以
其入曆之平積而爲泚定積也又推自行度以取
第二差而爲之加減其日自行度者乃其自行遲
疾一周之度假令土星以一日自行度五十七分
通爲九十五分除周天三百六十度得周率三百
七十八日木星以一日自行度五十四分通爲九
十分除周天度得周率三百九十九日火星以一
日自行度二十八分通爲四十六分除周天度得

周率七百八十日金星以一日自行度三十七分
通爲六十一分六除周天度得周率五百八十三
日水星以一日自行度三度零六分通爲六度一
十分除周天度得周率一百一十五日是五星自
行度之周天卽中曆之周率也以立成總年零年
月日自行度併者卽求周率之積度也五星之求
自行度各有減分亦授時之權周率各星加周應
之術也又以第一加減差加於小輪心者則減於
自行度減於小輪心者則加於自行度而爲自行
定度蓋小輪心度係減其自行度者故減其小輪
心之差則當加於自行度之內加於小輪心之差
亦當減於自行度之中彼減此加不容已也交互
相求無假借也是自行定度視日相離之遠近而
定行曆之遲速其立成不論各星周率之數有多
寡皆爲周天三百六十度者蓋以周率日數分配
周天度分周率一轉卽謂周天所以爲求差之用
而非實以爲行天之度也其起初宮卽起合伏度
段但其用數各立一術不能無相距之差耳行至

三宮而積差多者行疾段也及到五宮乃至遲留而差數消矣所以初宮至五宮則爲加差也起自六宮則行遲段至於九宮而疾遲亦多矣及至十一宮近於合伏而又消其遲所以六宮至十一宮爲減差矣土星至三宮二度與八宮二十七度極差至五度四十分木星至三宮十二度與八宮二十二度極差至十度二十三分火星至四宮七度與八宮二十二度極差至十度二十三分火星至四宮七度四宮七度與七宮十九度極差至三十六度四十分五分金星至四宮六度與七宮十五度極差至十四度五十八分水星至三宮十九度與八宮十三度極差至十九度五十六分是爲第二加減差卽周率遲疾度分之變差也然其差數比授時不及故又求入汎差則其數齊矣蓋二差是遲疾有常之差汎差乃增減無定之差故因其本輪入層盈縮之數分自行去日遠近之度數以推其本段無定之汎差而得其遲疾加減之密率併於二差之內而爲加減定差以加減其小輪心定度而得

其入曆定積度分又加以各星之最高行度卽授時之加其各星度應也由是而如法命之則經度得矣

論五星緯度

五星本輪星度卽星道也其自行度卽各星離太陽之黃道度也星道交於黃道土木火三星則與金水二星有異土木火之星道約有定宮以爲交金水之星道則無定度而盪交矣若黃道之各宮度分則皆星道隨交之處也是故太陰有九道之交以其距黃準於六度故至於二百四十九交而交道爲之一周此星道之交黃十二宮亦如太陰之九道也但星道之距黃道據交以定遠近雖有相距之數隨交以推遠近則無常距之度故星道之交宮不但止於十二度有三百六十則交亦有三百六十矣其爲道也屢遷雖至於萬萬寧有窮乎然星道與黃道之交在黃道初宮則緯差少在黃道六宮則緯差多至於在黃道之十一宮而差復如其初矣以相距黃道遠近而較之則近黃之

差多而遠黃之差少以出入黃道南北而較之則黃南之差疾而黃北之差遲以逆行交道而考之或出黃而爲勾或入黃而爲巳是又逆行出入黃道南北之別也土星本輪心度在一七兩宮爲星黃之交四宮與十宮爲星黃之距四宮緯度自二度零四以至於二度四七皆爲距南之極十宮緯度自二度零二以至於二度四九皆爲距北之極木火二星本輪心度皆在三九兩宮爲星黃之交五宮十一宮爲星黃之距木星五宮緯度自一度

零以至於一度三九皆爲距南之極十一宮緯度自一度零一以至於一度五六皆爲距北之極火星五宮緯度自初度五五以至於六度四一皆爲距南之極十一宮緯度自初度四十分以至於四度零七皆爲距北之極是三星交黃約有定宮而距黃亦隨有定宮矣至若金水星黃之交則不然金星本輪自六宮而五宮與十一宮及十宮爲黃初之交四宮十宮爲黃一之交三宮九宮爲黃二之交二八交於黃三一七交於黃四初六交於

黃五又用五宮與十一宮爲黃六之交四宮十宮
爲黃七之交三九兩宮其交在於黃八二八兩宮
其交在於黃九一七宮爲黃十之交初六宮爲黃
十一之交水星本輪自六宮而五宮十一與十宮
爲黃初之交四宮九宮爲黃一之交三八交於黃
二二七交於黃三一六交於黃四初五交於黃五
五宮十一宮其交在於黃六四宮十宮其交在於
黃七九三交在黃八八二交在黃九七與初宮爲
黃十之交六與十一爲黃宮十一之交金星黃北
至七度一三黃南至七度五一水星黃道南北俱
至四度四分星道旣無交黃之定宮則距黃自無
南北之定度但隨其交之初中以爲南北之距耳
土星本輪一宮交黃道初宮之北緯度初段二十
一分至於較其交出黃道十一宮之北復得二十
一分木星本輪三宮交黃道初宮之南緯度初段
一十三分至於較其交出黃道六宮之南緯度初
段二十一一分又至於較其交黃道十一宮之南緯
度初段復得一十三分火星本輪三宮交出黃道

初宮之南緯度初段初度零三至於較其交出黃道六宮之南緯度初段初度二十九分又至於較其交黃道十一宮之南初度零二金星本輪六宮交出黃道初宮之南緯度初段初度一七至於較其初宮交出黃道六宮之南緯度初段一度一九又至於較其初宮交出黃道十一宮之南緯度初段初度一三水星本輪六宮交出黃道初宮之南緯度初段初度二一至於較其初宮交出黃道六宮之南緯度初段初度四五又至於較其初宮交出黃道十一宮之南緯度初段初度二四金星與黃交在黃初則緯差少黃六則緯差多也土星黃北初段緯差四十四分至於極北末段緯差得一本星黃南初段緯差三十二分至於極南末段緯差得六火星黃南初段緯差一度一十分至於極南末段緯差得三十一金星木輪七宮交出黃道初宮之南初段緯差一十五至於極南末段緯差得四又自初宮交出黃道六宮之南初段緯差一度二十四分至於極南末段緯差得四水星本輪

自六宮交出黃道初宮之南初段緯差三十四分
至於極南末段緯差得一又自初宮交出黃道六
宮之南初段緯度差三十五至於極南末段緯差
得十是近黃差多而遠黃差少也土星以黃北初
段緯差四十四分而較黃南初段緯差五十六分
是南疾一十三分木星以黃南初段緯差三十二
而較黃北初段緯差二十八分是南疾四分火星
以黃南初段緯差一度一十分而較黃北初段緯
差四十六分是南疾二十四分金星二星亦多

有南遲而北疾但取其南北段數相均而較之金
星自行三宮黃南初段緯差三十七分黃北初段
緯差二十六分是南疾一十一分水星自行七宮
黃南初段之緯差四十九分黃北初段緯差三十
四分是南疾一十五分此皆黃南差疾而黃北差
遲也大抵土木火三星交度差不多所以在黃道
外者常在黃道外在黃道內者常在黃道內故其
緯度之變一譜可盡若金水二星交度差多所以
前交在黃道內者至第二交即轉而在於黃道外

前交在黃道外者至第二交即轉而在於黃道內
故須作內外兩譜以盡其緯度之變也

有遲有速有順
有逆故曰緯星

日月五星
經緯於天

管窺輯要卷之十二終

管窺輯要卷之十三

六安黃鼎玉耳父纂定

侄九錫公位

九疇倫敘

九如眉介

桐城方兆及子詒全閱

五星考

木星一名歲星以其化生萬物如太歲之生成也
其性柔直主司天下人君之過主歲五穀分四七

宿爲十二次一歲行一次太歲在子午卯酉四仲
則歲行三宿太歲在寅申巳亥四孟及辰戌丑未
四季則歲行二宿十二歲一周天太歲爲陰左行
在寅歲星爲陽右轉在丑太歲在卯則歲星居子
在辰則歲星居亥之類又太歲在寅則歲星正月
晨出東方在卯則二月晨出東方餘可推測歲星
所在其國有福失次則所衝之地有禍過次者殃
小不過則無咎

火星一名熒惑火處心爲辰以其而應不測也其

性激烈主執法主視主禮常以十月入太微受

出行列宿司無道出入無常二歲一周天張子曰
火者陰質而陽萃焉然其氣比日故其逕倍日蓋
火星自有入無自無入有受天地變化之氣爲之
主星一名鎮星以其土德方而靜也其性重厚戊
巳居季夏四時之中如人有心四支百骸統焉故
四星皆失鎮星爲動一曰主女象又曰天子之星
天子失信鎮星動常以甲辰元始斗建之歲鎮行
一宿二十八歲一周天所居之次久其國德厚張

子曰鎮星其行最緩亦不純係乎地

金星一名大白以其光芒盛於餘星也其性堅剛
主兵又主義主旱出東當伏東出西當伏西常以
正月甲寅與熒惑出東方二百四十日而入四十
日又出東方出以寅戌入以丑未常處日之前後
去日差遠二宮一歲一周天出早主月蝕出晚主
妖又云大白晨見東方爲啟明昏見西方爲長庚
朱子又曰長庚水星啟明金星金在日西日將出
則東見水在日東日將沒則西見

水星一名辰星以天一生水爲五緯之先其體合
散無常如龍之變也其性平淡主刑法之得失是
非四時常以春分見奎婁夏至見東井秋分見角
亢冬至見牽牛出辰戌入丑未晨候之東方夕候
之西方一歲一周天一時不出一時不和四時不
出天下大饑或曰水星爲辰星時有十二辰月有
十二會散在天地間無往不爲潤澤出非其時寒
暑失節故爲天一之象蓋水火二星相須火或有
或無水或盈或涸皆得天地變化之氣

按洪範九疇一五行曰水曰火曰木曰金曰土
二五事曰貌曰言曰視曰聽曰思謂貌澤水也
言揚火也視散木也聽收金也思通土也是五
行以生之序言五事以發見先後言考班固五
行曰木曰火曰金曰水即四時所行之序而土
則寄旺四季意木以生發條達言故屬貌火明
在外故屬視金有聲故屬言水明在內故屬聽
土居中故爲四者之主而屬思二說俱通

歲星

東方歲星司春貌仁以甲乙爲配以齊吳是分
室之清廟爲廟風雷之震動應君布農事播殖百
穀施慶賞以給兆民祚有道之主罰無道之君昔
五星聚井而從歲變其事祚漢也而禍秦上古百
二十年而踰一次霸代八十四歲而超一辰見伏
一十三度爲限周天以十二歲爲終積三百九十
八日太强之數計行乎三十三度六十之有三分
若盈縮之失位必下降爲貴臣在春當王色如左
角而大歲星不居常則人君失政於春

熒惑

火星南方熒惑司夏令而視禮丙丁吳楚爲配爲
邦執法鴻臚爲官爲職象離明而廟在心宿明堂
主糾察而政在燔燒積穢遂賢良則無變出囚繫
則順軌伏見於二十度之內外周天於二十月之
表裏積七百七十九日九十之一分行四百一十
四度六十之六矣若盈縮之失位爲妖爲童兒歌
謠嬉戲在夏北心宿大星逆行則夏政乃失

鎮星

土在中央爲鎮主季夏而司信所配也配於戊己
所象也象於坤艮后德天子之言法地山而不震
其廟太南斗之太室其行以不速而緩進主德厚
安危存亡之機其所在也民信而物順無動土功
之徭無興師旅之釁二十有八載行及周天一十
有六度分乎顯隱積三十七十八日而有八分行
一十二度太强爲終率盡失位爲婦女老人此盈
縮失常之論季夏比北極中央大星錯度則思心
不容而虧信

太白

太白秋金西方言義於日為庚為辛於卦曰乾曰兌亢為疏廟為廟分主秦蜀之地主刑戮之殺伐有斷割之威勢法大臣上公之官效司馬將軍之位凡國家動眾以興兵必先占太白之進退命將帥選兵士詰誅暴慢脩法制繕囹圄斷決小罪伏見於九度之間周天於一載之際積五百八十三日九十分為變例失位降為壯夫處於林麓之內秋比狼星色太白而精明失舍失行逆秋令而虧義

辰星

辰星北方色黑司冬為聽主智於卦則坎水於星乎分於日則壬癸於是乎配隸七星之員官為廟分燕趙之鴈門為邑一主戰鬪殺伐一為刑法得失備邊境而謹閑梁戒門間而脩鍵閉周天以十二月為畢為窮去日以十四度或見或入積一百一十五日八十分為變改之畢所在則有權智為主之兵失位則下降為婦人之質在冬則比奎宿之大星不

效則逆傷乎水氣

歲星占

歲星古今占曰歲星人君之象主德政歲星安靜
中度吉 盈縮失次者其國必憂不可舉事用兵
又曰歲星所在之處不可攻若攻反受其殃
歲星逆行占曰逆行或遲疾而失其次主驚社稷
危主天下兵起民去其土

歲星盈縮占曰盈其國有兵退舍曰其國有將死
又曰先入其下國可義致天下也

歲星去留占曰歲星未當居而居當去而不去既
去而還居之皆爲福當居不居未當去而去既居
之又東西南北去之其國主人驚憂一曰主酷暴
又曰所守地吉所失幾日久其國有德居易薄
久守不可加兵居易不可進兵

歲星逆順占曰順行可逆行不可背之以戰 甘
氏曰歲星所在宿不變無凌犯不盈縮五穀豐若
失行五穀不登其對冲國乃有殃也又曰所在之
辰不可抵向假令歲星在寅不可東北征餘倣此

歲星動搖荊州占曰進退失舍其國舉事用兵
歲星休旺占曰仲春之時如左角大而芒在冬曰
休其色精明無芒角在夏曰休其色赤黃無精明
在四季曰囚其色青微黑在秋曰死其色細小不
明如其色天下和休時而有黃色有兵

歲星芒角占曰赤色有角所居國昌人主亦武強
○又曰木星三角有芒近傷國內將相期一百八
十日○木星五角主將兵期一百八十日○又曰
木星七角有芒四方戰一年五寸以上七寸至九

寸曰角

歲星出氣占曰歲星出彗氣三丈三日兩王者不
安天下大擾

熒惑占

熒惑古今占曰凡熒惑法使所行無常出則有兵
入則兵散失舍命國爲亂爲賊爲喪爲饑爲兵所
居之國受殃

又曰熒惑環繞勾已芒角動搖錯逆亂行乘凌守
犯不爲星色細小而無精精明名曰進賊讒人入

國不有亡主必有亂國動搖變色乍前乍後左右其殃彌甚南丈夫喪其北有女子喪周旋止息乃爲處喪寇亂其野失地失行而速兵聚其順之戰勝

熒惑逆行占曰一舍二舍其國有殃亦曰火災居之三日其國有殃居之五日受兵七日其國半地亡九十日國全亡也行在五星聚於一舍其下可以亂政天下

熒惑反明景祐占曰若人君視亏禮法失則熒惑反明又曰禮法不用則反明○熒惑反明主命之期一百五十日辰出東方若西方卽是反明天子更始

熒惑受制占曰熒惑常以十月入太微宮受制若無道之國爲亂爲饑爲兵爲災此理尤乖有明十月入太微可以曆數推之爲是○又曰雖明天子必視熒惑所在其人守犯太微軒轅營室房心皆命主惡之
熒惑變色占曰熒惑小而未能明兵行或勾已戰

凶其國有兵○熒惑始出色赤而芒角軍在外戰
無兵兵起隨芒所指破軍殺將○熒惑出則兵出
入則兵散熒惑出入進退有戰順之則勝逆之則
必凶敗芒角順之戰勝
熒惑逆行色怒占曰熒惑芒角逆行太盛動搖行
爲客攻擊百城○又曰留三日大將歿留五日軍
敗亡地十日國憂去復逆行有破軍歿將○又曰
火星來凌守犯宿其國憂○又曰逆行赤色爲怒
爲兵小而赤主兵敗火星其出赤色爲怒逆行或
勾巳戰凶有圍軍 亦主旱災 故曰火星外則
理兵內則理政爲天子理也○又曰凡有星占火
星守分不利先起也 又曰凡有軍卽金爲王師
火爲賊若無軍火芒角有兵起主怒併失度變常
大臣反相誅憂兵旱不明凶
熒惑正旗占曰火芒日正旗正旗所指破軍殺將
從正旗伐之大勝有角方兵起 又曰主惡火星
自暈其臣叛主
熒惑燒跡占曰火星逆行其分必有破軍殺將急

戰流血若復跡者名曰燒跡太凶旱饑兵敗若不復跡成勾已亦凶甚○又曰其火出東方而反行一舍其野亡地戰不勝○又曰火星變色太子逐功臣灰色悴小國憂西行必殺侯王○又曰熒惑進退失次占曰行而速兵聚其下順之戰勝若不動卽不戰有將誅軍○又曰東行疾有兵聚於東方西行疾有兵聚西方失行而南丈夫喪失行北女人喪○又曰當出不出爲流民亡當不入其國有殃其進退失次國不祥

熒惑留守占曰火守一月以上爲憂爲饑爲喪若四孟之月侯王受之四仲之月大臣受之四季之月人民受之○又曰火星留宿一月不去其國亡○三月以上國有憂相或出走亡一云大將死○又曰火星留五日破軍亡地十日以上主憂一月至二月主死三月至六月殃及子孫宗廟惡之一云守列宿二十日以上相死○石氏曰國將有凶○又曰其兵饑君大臣當之其脩德不爲咎○熒惑南北占曰從北向南謂持水火不出三年大

管輅神書 卷之十三
喪無兵兵起○又曰火星出宿行南向北天下大
早有兵兵罷乍東乍西國憂○又曰火星東行三
舍以上守其宿不行主一百八十日兵起 又曰
火星西行三舍以上守其宿不行主三百八十日
兵起靜居不行名曰火焚其國殃及大臣 又曰
凡兩敵相當火星當其日大以其日利當其日小
以其日不利上旬爲陽國中旬爲中國下旬爲陰
國星大利出兵

熒惑王相占曰在夏色旺怒大如月精明仲夏之
時有芒角在春相其色精明無芒角在四季休其
色黑光無精光白明在秋曰囚其色青白不明在
冬曰歿其色黃黑細小不明如其色天下和平
熒惑勾巳留守甘氏曰火星勾巳留守反明逆行
爲凶 又曰火星上大下小名曰反明攻後則不
出急則不入違道則占乘凌犯之宿其國必亂
熒出氣占曰長四丈者百日旱 又曰火氣一丈
百日旱傷大臣亂其國饑

鎮星占

鎮星古今占曰星皆失鎮乃爲之動動而盈侯王不寧動而縮有軍不復所居之宿國吉得地及女子有福不可伐去之失地若有女憂曰又曰鎮星居宿又福厚易則薄失次而上下二三宿曰盈有主命不成不盈有大小失次而下曰縮有后戚其歲不復不縮天裂若地動搖鎮星所到君聖臣忠物亨則鎮星光明盛大祥至人國安昌又曰鎮星女主之象黃潤女主喜所在之宿有福不可攻伐利以稱兵動衆 又曰五星皆聚一舍鎮星先以其下之國可以重德治天下

鎮星經天占曰土星經天而逆行天下反政地大動一云失次進退則亡有喪而出大而日益有所在國不利又云出北方兵不勝出東方兵勝出南方其下有兵王者亡地出西方其方有兵 鎮星王相占曰在四季月名曰王時其色正黃如北極中央天星而精明有芒角秋曰休無精明冬曰囚色赤黑小不明春曰死青白小不明如其色天下和平

鎮星芒角占曰芒角爭地鎮有五角者有戰軍在
穰氣長四丈土功起

太白占

太白金今占曰太白爲將軍爲威勢爲斷割爲殺
害故凡用兵必先占太白占曰太白其秋炎然而
上則有大兵起其秋炎然而下則有天狗所下其
野流血又曰太白休大而色白光明潤澤其所臨
之分兵勝國昌體小而昧兵敗國亡又曰凡舉大
事無逆天每必順時因類則太白降之威而姦益

自息戎賓服矣逆天數違時政則太白經天見國
易政四夷內侵中國亂失道者亡矣

太白初入占曰已出三日而復微入入三日而出
是謂濡而復其下之國有軍則衆敗其將亡其已
入三日又復微出出三日而復入其下之國憂有
糧遣人食有兵遣人用卒雖衆將將師爲人所虜
又曰太白得時色白而有光潤無錯逆而國兵
強可攻守

太白伏見不明占曰凡太白伏見以時進退如度

利兵攻伐必克也 又曰太白出西方北方舉天下不能當黃昏出陰陰國之兵強暮食出小弱夜半出中弱鷄鳴出大弱是謂陰陷於陽

太白出卯酉占曰太白伏之時出兵有殃其出卯酉南南方勝出卯酉北方勝正在卯東國利也出酉北北方勝出西南南方勝正在酉西國勝也太白刑德古今占曰太白出東方爲德舉事用兵左迎之吉背之則凶 太白出西方爲刑舉事用兵右背之吉左迎之則凶矣 又曰用軍背刑向

德戰背德向刑也

太白失行古今占曰太白出行而南爲舍入火兵鬪國喪又云有兵兵罷入北舍入水兵起 又曰失行西南亦名金入火有兵必敗亦云罷不有破軍必有屠城失行西亦破軍失地 又曰太白晨山東方平旦見於辰巳之間賊攻我勿與戰去亦勿追

太白出古今占曰太白當出不出當入不入天下偃兵在外而入未當出而出未當入而入天下兵

起不有破國必有亡將當期而國昌 太白入西方未出東方東方南方之國起兵戰勝得地後敗亡 太白東方未出西方北方國兵起雖勝後終敗

太白芒角荊州占曰太白見一芒兵起不用見二芒有戰攻見三芒天下兵起見四芒諸侯死境見五芒天下更制 又曰太白大角搖而不安東西南北乍下如欲驚其年有喪若白而角將不勝宿又曰太白過宿有角長取地長角短取地短太白

宿遇有角外指其國得地內指其國失地期一年 太白經天古今占曰太白東行不遇巳西方不遇未出東方行逆至巳陽地兵強出西方順至未陰地兵強遇午謂之經天革命更主是爲亂紀人衆流亡 又曰太白晝見經天是謂爭明大國弱小國強女主昌又曰秦國強 一曰晝見有軍軍罷無軍軍起期六十日太白去日六十五度外爲經天內爲晝見 太白大小占曰初大後小兵不強初小後大兵強

進則兵進退則兵退

太白卑高占曰太白出高用兵深吉淺凶先起兵勝敵若淺入勿勝太白出卑用兵淺吉深凶後起兵勝敵若深入可擊也

太白盈縮占曰日在南太白居其南日在北太白居其北日在盈主不寧用兵進吉退凶日在南太白居其北日在北太白居其南日在縮侯王憂用兵退吉進凶

太白遲速占曰太白行疾用兵宜疾去遲凶行遲用兵宜遲吉疾凶以靜用兵吉燥凶出則兵出入則兵入先舉者敗後戰者勝用兵象太白吉反之凶背之吉逆之凶又曰太白所在五星偕而聚於一舍其下之國可以兵致天下

太白休王占曰在秋曰王其色如月精明有光仲秋有芒角在四季曰相其色精明無芒角在冬曰休其色無光精明在春曰囚其色青黃如不明在夏曰死其色赤黑細小如不明如其色天下和平太白出氣古今占曰金星出穰氣三丈兵起國荒

辰星占

辰星古今占曰辰星主刑獄所在之宿若小而昧則吉若大而光則兵亂刑獄人民儉害人君不吉辰星伏見一時古今占曰辰常曰仲月出若仲月一時不出其一時不利或斷獄失理 又曰諸侯不從命二時不出主易政三時不出戰不定四時不出其天下大饑寒暑失時暴兵起又曰辰星不時出皆為兵饑一云當出不出春若雨夏多風來

年麥不熟

一云春不效百八十日必暴雨六十

日流邑四時不效水決溢變為彗星見東方

辰星旗出占曰辰星若上出必破軍殺將客勝下出客亡地

辰星休王占曰辰星在冬王色比金火星明而有光在秋曰相色青白精明無芒角不搖光在春曰休其色蒼黃微無精光在夏曰休其色黃小黑而昧晦四季曰灰青赤昧小而不明四時若之生養歲成不失一舍其下之國可以智取天下

辰星太白主客占曰辰星不出而太白出太白若
客辰星為主雖有兵不戰戰則客凶又曰金星
不出而辰星出太白為主辰星為客有兵不戰則
主人凶其出地也而不與太白相從謂異宿也雖
軍不戰 辰星出東方太白出西方辰星出西方
太白出東方為格野雖有兵不戰謂不合異宿也
若不得已欲戰即三宿分其國有進也同方異宿
不戰合宿乃戰

辰星繞太白占曰若與大戰客勝若過太白鬪可
勝小戰客勝若居太白前十三日軍敗一云辰若
在太白後兵起出太白左小戰摩太白右數萬人
歿

歲星續考

歲星乃東方木星也蒼龍之宮所見之處皆有災
祥之應洪範曰歲星失度人君不脩省人民饑荒
多疾疫妄興徭役以傷民時木失性矣甲乙為木
類甲齊乙東夷丙楚丁南蠻戊韓己魏庚秦辛西
戎壬為燕癸北狄 甲乙有變應百二十日之內

管輅神書 卷之十三
卦屬震歲星若在鄒魯齊吳以負東海魯之分野
在戌天文婁七度奎七度胃三度乃魯之分野自
浞城東連梁父循海岳衆山之陽以負東海濱於
泗水至於呂梁抵淮盡徐夷之地齊之分野子之
地也天文女虛危玄枵之次女五度中虛九度終
危十二度以爲青齊之野自濟北踰水平陰至於
衆山循岱之陰東陰至於高密君有道其星潤澤
得度得性遵行中道如常度其正性也中道乃黃
道也

秦將亡歲星東井乃秦之分野秦失政殘暴喪仁
不和故二世滅漢祖入秦脩德行仁項羽入秦燒
焚暴虐人民歸漢高祖得受王業也其星行王君
心乃正行邪君心乃邪星行舒遲乃重遲星行急
爲躁急星色黃豐稔得地星失色而青黑主哭泣
之憂 星色青而動搖有兵起 星色赤而有角
君爲子憂 黑色白圈而動搖芒赤主誅權臣
星與土星合赤地千里主上不安甘氏曰所在之
辰不可抵向假令歲星在寅卯不可東征擊西乃

利 歲星守常度常度是爲福利伐人 魏武關
東之賊歲星在南斗布司誅律 諸葛誕作亂在
東井而晉師先勝

歲星逆行不可興兵動衆宜固守順行大宜進兵
可勝 其星赤爲武國且昌君以武得勝 其星
黃爲文國以文得昌君臣際會 其星白無角有
兵在外大戰 各以十二次分野所屬

歲星在鶉火武王伐紂十三年歲星在大梁武王
始受命 歲在鶉火晉和光七年 討黃巾元年

歲星復在大梁拜大將十三年復歸大梁拜相
二十五年復居君當受命此魏時歲星與周同昔
舜以土德漢承火德此五行還於堯舜之次當易
服正天下

歲星超舍而前曰盈將有起兵王侯不安 歲星
退而後曰縮主將死而兵敗 歲星與月相掩蝕
國多哭泣或大臣后妃死 歲星與熒惑合主有
大兵 與太白合若開若合大兵戰

魏武帝太和五年二月壬戌日太白犯歲星占曰

有大兵起五年三月蜀孔明大兵犯天水司馬懿
而退之 太白在木南主南方兵敗

歲星在處無光進退無常國失位 歲星有角變
色或大或小主國王怒有憂 歲星逆行犯闕會
合環守者

星文曰歲星乃會福求之星見惡及逆則怒而為
殃晉簡文帝咸安二年正月乙酉日歲犯鎮在須
女曰內亂七月崩桓溫擅權殺侍中王坦之內亂
之應也

五星總占

五星總占巫咸占曰夫有道之國五星過之從行
無道之國五星過之變色逆行相凌而鬪會合留
舍還守列宿歲星脩仁熒惑脩禮太白脩義辰星
脩智從之則喜逆之則怒審視喜怒以知吉凶之
情

五星為凶甘氏占曰歲星不居常為凶鎮星以逆
行為凶熒惑以勾巳為凶太白以出入不時為凶
辰星以動不效為凶五凶併見其年必惡又曰太

白不經熒惑不反明經天則肅霜至反明則陰水
至爲雨兩以樂和之
五星會聚天官書曰五星若合是謂易行有求受
慶段立王者奄有四方子孫蕃昌亡 受殃五星
皆大其事大皆小其事小
四星合聚天官書曰四星若合是謂大凶其下兵
喪並起天子憂而小人流
三星合聚天官書曰三星若合是謂驚立絕行其
國內外有兵喪百姓饑改立侯王

又曰金與木土合其國謀兵起不戰
二星合聚天文志曰二星近者爲犯二星同宿爲
相犯者其殃大相合者其殃小
鎮星陽也太白辰星陰也陽主外邦陰主中邦相
連以兵陽與陰合兵謀在國陰與陰會兵謀在外
邦
海中占曰熒惑與辰星合爲內亂臣謀主
天官書曰木與火合爲旱爲饑戰北軍國
占曰木與火合守相國軍火憂近期二年

郝萌占曰土星所在木星從之伐者利木星所在
土星從之伐者不利又曰木星在下土星在上
名曰雌雄鬪客軍大敗主軍勝
土星在上六十日其下必有亡國巫咸曰土木
鬪不出期年王者亡地將軍死又曰木星所在
太陰從之伐者利反之不利
木星與太白合遇有兵兵罷
天文總論木星與水星合爲內兵亂有軍不利先
起荆州曰火入土宮將軍爲亂

郝萌曰土星與木星合爲禍喪其國不可以舉事
用兵必受其殃又曰火與土合相守喪憂
又
女主憂兵火起

荆州占曰火星所在金星從之伐不利
無故太白所在火星從之伐者利有功又曰火
星從太白軍憂又曰太白與火遇是謂金入火
有兵兵罷國安無患熒惑入太白將軍戮海
中占曰火與金合野有破軍死將荆州占曰火
與金合主人兵不勝又曰熒惑與太白前後左


右成勝客勝 又曰太白出熒惑戴之不出三年
兵起 又曰太白居熒惑之後而相反者將軍殺
將 又曰熒惑所在辰星從之伐者利有功 又
曰辰星所在熒惑從之伐者不利 又曰熒惑與
辰星相遇不可舉事用兵 又曰熒惑辰星合用
兵合日自伐野有兵不戰兵在外亦罷
石氏曰辰星與火星會為降其國不可舉事 班
固曰熒惑與辰星合北軍困

荊州占曰辰星與熒惑合其國大旱赤地千里又

為饑將軍行事大敗有覆軍殺將 又曰熒惑與
辰星秋合有兵冬合有喪 熒惑辰星合東方辰
星合白而去兵在外削地而和 甘氏曰太白與
鎮星合為疾為殃 文耀鉤曰鎮星合則白布合
又曰土與太白合一舍太白在上鎮星在下并
先不出二月有兵民流行
郝萌曰鎮星所在辰星從之伐者不利 荊州占
曰辰星所在鎮星從伐者利有功
石氏曰水與土合為壅為阻所在之國不可舉事

用兵必受其殃。甘氏曰：敗軍必將，亦曰有陰謀。石氏曰：土與辰合於東方，辰星色白，大天下有兵於外，削地相敗。天文總論曰：金水同出於東方，東方有兵，同出於西方，西方有兵，太白辰星俱出東方，赤而角，負海之國大敗。若遇太白俱出西方，皆赤而角，中國大敗。皆黑，外國利。辰星色黑而從，與太白不相從，野雖有兵，不戰。

辰星與太白不相近，出於東方，辰星若二十日或三十日，不入東南，兵不戰。辰星與太白不相近，出於西方，二十日至三十日，不入西北，方國有兵。又曰：辰星隨太白於西方，天下有兵，戰兵解。辰星隨太白於西方，天下無兵，兵起期九十日。又曰：六月太白出辰星地，客利，太白出辰星南，主人利，併出西方，利以東伐西，宜勝。



管窺輯要卷之十三終

